

SCRIPT OF MORNING GOJRI NEWS BULLETIN 6OCT 1015 HRS

ما رنينگ گو جری نیو ز بلیٹن مو رخہ 6 اکتوبر 2025

یوہ آکا شوانی جموں ہے عبیدالرحمان تیں خبر سُنو۔

LG ALOHA

لیفٹیننٹ گورمنوج سنہا نے سرینگر مانہ منعقدہ ریاستی سطح غا الوبا مقابلان مانہ بہترین کارکردگی پیش کرن آلاں نانہ انعامات نال نوازیو ہے تے اُن غی حوصلہ افزائی کیہ ے علم ریاضی غا ہُنر مانہ بچاں غی بہترین کارکردگی ور ایل جی موصوف نے م،بارک باد پیش کی تے کہیو کہ جموں کشمیر غی ترقی غو براہ راست تعلق علاقہ گا نوجوانان غی ترقی نال منسلک ہے تے یہ نوجوان جموں کشمیر یوٹی تے پورا ملک غی ترقی تے مثبت تبدیلی لیان غا مشن غو حصوہیں ایل جی موصوف نے یقین دہانی کرائی ہے کہ انتظامیہ ان ہُنر مند بچاں نانہ اچھا محقق سائنس دان تے ایجاد کار بنان واسطے صیح ماحول فراہم کرے غی۔

LG DELEGATIONS

لیفٹیننٹ گورنر منوج سنہا نال گزشتہ روز کئی وفود نے ملاقات کی تے عوامی مسائل ور تبادلہ خیال کیو گیو اس دوران ڈی ڈی سی چئیرمین بڈگام نذیر احمد خان نے ایک تحریری نوٹ جمع کرایو تے ضلع بڈگام غا بکھ بکھ ترقیاتی معاملات ور گل بات کی کشمیر سول سوسائٹی فورم نے ایک علیحدگی میٹنگ غے دوران امر شفی ترمبو غی قیادت مانہ علاقہ غے اندر منشیات غی تسکری تے کاروبار ور روک لان خاطر کئی تجویزاں ور تبادلہ خیال کیو گیو اس دوران ایل جی موصوف نے مزکوری وفود نانہ یقین دہانی کرائی ہے کہ انتظامیہ غی طرفوں مزکورہ معاملات ور بھر پور تعاون تے ضروری کاروائی عمل مانہ آتی جئیں غی۔

MOS SPECIAL CAMPAIGN

مرکزی وزیر ڈاکٹر جتندر سنگھ نے وزارتوں تے بکھ بکھ محکمان نانہ کہیو ہے کہ وے سرکار غی طرفوں چلایا گیا صفائی ابھیان اقدامات نانہ سالانہ بڑی تحریک غا طرز ور چلاویں ایک اعلیٰ سطحی جائیزہ میٹنگ غے دوران خصوصی مہم 5 عشاریہ صفر غی عمل آوری غو جائیزو لیتا واں وزیر موصوف نے اس گل ور زور پایو ہے کہ شہری علاقوں تے بڑی سرکاری جگہاں ور کوڑا کرکٹ غی صفائی غا بہتر انتظام خاطر جدید تکنیکاں تے کارپوریٹ سانجی داری غو استعمال ہونو چاہیے موصوف نے اس مہم مانہ نوجوانان تے کواتین غی شراکت داری ناہ مزید بدھان تے وزارتوں درمیان بہترین ترکیباں غی ساچہ داری ور وی زور پایو اس موقعہ ور وزیر موصوف نے ماحولیاتی صفائی خاطر اسکولوں کالجاں تے دیگر رضاکارانہ تنظیمان غی حصہ داری تے کردار ور وی روشنی پائی۔

BUDGET PREP

جموں کشمیر سرکار نے آئیندہ مالی سال 2026-27 وستیے سالانہ بجٹ تیار کرن غی شروعات کردتی ہے آکاشوانی جموں غا نمائندہ نے خبر دتی ہے کہ محکمہ خزانہ نے

تمام انتظامیہ محکماً، محکماً غا صدر تے ڈی ڈی او ز نانہ ہدایت جاری کی ہیں کہ
وے اس ضمن ماہ فوری اقدام کریں تے اکتوبر 20 تیں 25 توڑی بجٹ غو خا کو تیار
کرن تے 30 اکتوبر تک حتمی تجاویز پیش کرن غی ہدایت جاری کی گئی ہیں اس تیں
علاوہ کام کاج متعلق بجٹ وی متعلقہ ایم ایل اے ز ڈی ڈی سی تے پی آر آئی غی
مشاورت نال تیار کیو جے غو۔

69th SCHOOL GAMES

ویں قومی اسکولی کھیڈ اچ تیں جموں کشمیر مانہ شروع ہو رہی ہیں ان کھیڈاں 69
مانہ ملک گا تقریباً 4 ہزار نوجوان کھیڈاں حصو لے رہیا ہیں نوجوان خدمات تے کھیڈ
محکمہ غی طرفوں سرینگر مانہ منعقد کی جان آلی اس قومی تقریب مانہ فٹ نال
وشو ٹاؤنڈو تے ٹیبل ٹنس جیساں کھیڈاں گا مقابلہ کرایا جئیں غابکہ بکہ عمراں گا زمران
مانہ کھیڈاں نانہ بندھو گیو بے لڑکاں غا انڈر 19 زمرہ غا فٹ بال کھیڈ مقابلہ اچ تیں
شروع ہو رہیا ہیں تے یہ 10 اکتوبر تک سرینگر مانہ جاری رہیں غا نوجوان خدمات
تے کھیڈ محکمہ غی ڈائریکٹر جنرل انورادھا گپتا نے دسیو ہے کہ وشو کھیڈ
مقابلہ 28 اکتوبر تیں 1 نومبر تک منعقد کرایا جئیں غا۔

WEATHER ADVISORY

جموں کشمیر آفات تیں نمڑن آلی اتھارٹی جموں کشمیر غا کئی ضلاع مانہ شام ساڈھ 5
بجے توڑی درمیانہ پاڑھ تے سیلابی صورتحال بارے آگاہ کیو ہے ان ضلعاں مانہ اننت
ناگ دوڈہ جموں کٹھوعہ کشتواڑ گلگام کپواڑہ پونچھ راجوری رام بن ریاسی سانبہ تے
ادھمپور ضلع شامل ہیں۔ ان علاقوں غا رہائشیاں نانہ ہدایت دتی گئی ہے کہ خراب
موسمی صورتحال غے پیش نظر چوکنا ریں تے میدانی علاقوں مانہ پانی غے نزدیک
نانہ رکیں متعلقہ اتھارٹی نے ضروری حفاظتی تدابیراں ور عمل کرن غی ہدایت دتی
ہے کہ کسے وی ہنگامی صورتحال مانہ فوری طور ٹال فری نمبر 112 ور رابطو
کرن غی ہدایت کی ہے۔

SCHOOL CLOSED

خطہ جموں غے اندر محکمہ موسمیات غی طرفوں خراب موسم تے بھاری بارشاں غی
پیشن گوئی تیں بعد اچ تمام سرکاری تے نجی اسکولان نانہ بند رکھیو گیو ہے تے
اسکولی تعلیم محکمہ گا ڈائریکٹر یٹ غی طرفوں جاری حکم نامہ غے مطابق خطہ
جموں گا تمام اسکول نانہ طالب علماں تے تعلیمی عملہ غا تحفظ خاطر 6 تے 7 اکتوبر
نانہ بند رکھیو جے غو اسکولی تعلیم محکمہ گا ڈائریکٹر ڈاکٹر نسیم جاوید چوہدری نے
خطہ جموں غا کئی علاقوں مانہ بھاری بارشاں غی پیشن گوئی تیں بعد یوہ حکم نامو
جاری کیو اس سلسلہ مانہ مزید جانکاری موسم غی صورتحال تے دیگر حالات غی
بنیاد ور سانجی کی جئیں غی۔
